


[www.BibleForChildren.org](http://www.BibleForChildren.org)



Oosana 6




Nooana oosana maagimminoo  
marinau. Nooafa kai sia  
aaqarana marufa marinau,  
nari faqa marusakiqari  
nariaraa kai andeeqarafa  
marinau. Mifa kai Anutuna  
aqoondikiranaki  
marinau.




Mina amaaku qaarammoo  
namu mariqau. Misa nuqu  
Seemafa faqa Qammafa  
faqa Yafeetafa faqa  
mariqau. Anutufa aiqama maqa  
maaqaki qafoofanoo mandaika

uqannamminoo  
marinau.


Faiqí  
anaasee aiqama  
mandainainaki  
kai mariqau.



Miqiqa marufanoo Anutufa Nooana  
qimaminoo qinau. Faiqí narari nararirafa  
qumbiqanoo marinara qinee aiqama  
fasiqa anaasee naru  
taikaanauree qidaqa.




Nooa, anee amiqira saqarinnai firaa sipa  
auqua. Mina aunduraki moomoo rumma  
auqua. Aunduraki faqa adisaa faqa  
koorootaqa qumaree  
akusainanoo ititaani.



Anee sipa maaqimasee  
auqua. Mina kisaaga  
fannoo Aarinnoonna  
nammarikiqari Siara  
Doona  
nammariki

amanasaa  
130 metres  
mina kisaaga  
mariani. Mina qusa  
fannoo 22 meters sia  
kisaaga uqanna marinau.  
Mi sipana maqasaqari  
maaqa akiiqa amanasaa  
13 metres mariani.



Anee oosana oosana  
narainaina misaindi faqa  
aneennaindi faqa mara  
sipaki quqaa.



Anee aanda oosana oosana mareeqee sipaki quqaa.  
Oosana oosana qaara kai qaara kai akoona faqa  
anaasee faqa apammasee sipaki quqasainaga  
ani faqa asumu mariaqa.




Innee qini qifusaa anukara aanda fee  
qimariana qisauku dinni taikasee dinni  
oonu qaara marasee 7 akoona  
faqa anaasee faqa ani faqa  
sipaki mareeqee  
quqasainaga asumu  
mariaqa.




Innee qini qifusaa sia anukara aanda  
oosana oosana akoona faqa  
anaasee faqa moodaa kai  
mareeqee minaki asumu  
quqasaina mariaqa.






Nooafa  
Anutuna mi  
ufausa iriseenoo  
rufiaseenoo narí faqa  
narí anaqa faqa narí amaaku  
qaaramoo namu faqa minamusa  
ninaaqmaaka faqa sipaki keeqaqau.





Mi aukuanna  
Nooafa 600 aukuana  
maranau. Qaara  
quqoonasaa qiku dinni  
taikasee dinni oonu qaaraqanda  
marasee 17 faasaanasaa mi  
faasaanna kai nammari radiqinau. Mi  
faasaanna kai maqa ameemaanaindari  
nammari radiqisee ururoofanoo  
innaaruna kooqiara foora atuqoofanoo  
aaku firaafa nammariara foora adianau.





Qaara fasiqa niku nisauku taikasee  
40 eendaki faqa faasaana faqa aaku  
firaafa nammariara foora adianau.




Nammari fannoo firaagoo  
innooqoofanoo sipa fannoo  
mina amuaqumau nimirinau.




Nammari fannoo moo faqa innooqeenoo  
aiqama kisaaga aqana dukuninau. Aiqama  
aandau faqa doodaani faqa maa maqanasaa  
marusa kuqu taikaqau.




Marufanoo Anutufa Nooanara faqa  
nari aiku asauku faqa aigama aandau  
mina faqa marusara faqa iriseenoo  
qufanoo ufai uqufanoo nammari  
fannoo qumi marinau.



Qaara fasiqa niku nisauku taikasee 40  
faasaana aiqarroofanoo Nooafa



winduaga atuaseenoo ufini  
kaammeesa fooqaana mara  
aqinau. Nooafa mi ufininara  
rakisusia sia anufanoo  
nakipuruna mara aquseenoo  
nammari qafaanifeera aiqanau.



Namba 2 quqoonasaa 27 faasaanasaa  
aiqama nammari tukaqnamafufanoo  
maqa maqa aadana uqanna marinau.

Miqimmafufanoo  
Anutufa Nooana  
qimaminoo qinau.




Doo sipakiqari anee faqa aneenna  
anaaqa faqa aneenna faiqi namu faqa  
misa ninaaqmaaka faqa raudaaqa.



Nooafa rafudamafufanoo  
karaambaiga  
tatufirana suqarara  
ooni qumareenoo  
aaku aakummaseenoo  
Anutuna afusaa anukara  
aandau faqa ufini faqa  
maraseenoo muduka  
Anutuna tatufirana  
suqa aminau.





Qinee naaru  
marira moodaanaki  
kira ufa ani faqa  
aiqama aandauga faqa  
doodaaniuqa faqa  
qunafa maagi qimasee  
uqannifiqaanaura.

Qinee qeeqa oondanda  
oonnamuki quqaanaura.  
Mifa qinee maa  
maqanasaqaraasa  
faqa moodaanaki  
kirana  
uqannifiqaannoo.





Yairee fee qinee  
oonnamunnai  
innaaruna itita  
saananoo miqoo  
oondanda kambigaannoo.  
Oonnamuki oondanda  
rafeeqna

finaga qafeeqa  
qinee ani faqa aiqama  
aandau doodaani faqa  
qima afeekaikira  
ufara irisee sia  
kaifaa nammari  
aufirafa naruannoo.



Anutufa Nooana narí  
faiqi namu faqa nifaaqooqa qinoo  
qinau. Inni asumu moomoo  
kambiqafi aiqama maqa maaqa  
amana kai mariaqa.



Nooana faiqi namu  
sipakiqari anusa nuqu maaqimminoo  
marinau. Seemafa faqa  
Qammafa faqa Yafeetafa faqa  
mariqau. Qammafa Kannaana  
akoofa marinau. Nooana mi  
faiqi qaaramoo namusa  
aiqama maa

maqanasaqaraasa  
nikeeku nikaaku mariqau.



Anutufa maa  
maqanasaa mariasara amuqusa firaaqoo  
qunara narí amaaku moodaa uqanna  
amiqirana maqasaqaraasa nimuna  
mina saqarikinausa sia kuridiranaki  
fifaranoo Anutuna naaru  
mariranaki fuageera narí  
amaaku nimirau.



Roomma 3:23 Faiqí anaasee narí Anutuna asauku mundirana saqarikiranannai Anutufa mareeqee narí afusaa andeeqaranaki quqaidanoo. Aiqamausa asauku mundirana Yisuna ufa irisee minasaa rusimariasa miqi qimariasa aiqama maqannaasa Anutufa mareeqee narí afusaa andeeqaranaki quqaidanoo sia raina rainiannoo.

Roomma 6:23 Dinni manda oosana fannoo narí ainainimariasa naarama quqaseenoo narí ainainirana akiaqara feefauru nimidanoo mi feefaurufa kuqirafa kai maridanoo. Kafaa mina dinni Anutuna kaqi nimira ainaina innaarunai naaru marirafa sia ainainirana akiaqara maridanoo, mina asauku mundirafa maasa karaambaiqa Yisufa mina faqa moodaanaki kiqa maridaqa mina namufaqa innaarunai naaru marirana kaqi nimirafa mariannoo.



Heeburu 9:27 Aiqamausa moodaa kari kuquannana amana kai Yisufa moodaa kari kuqinau, aiqamausa moodaa kari kai kuqufiqa miqooqari Anutuna faqa ufa qiranaki fifaranoo.

Eefeesusa 2:8,9 Sia moo ainainannai Anutufa nari afaariranannai kai inni innaarunai asumu mariranaki quqannisaidanoo, innee Yisuna saqarikiranannai afaaramma nimaqaidanoo. Inni asumu nimirafa sia innee andeeqasee fimarianasaafau mundidanoofau, sia innee amiqira oosana marasaida kadaapiridee qimarianasaafau mundidanoofau, Anutuna kaqi nimiranasaa kai innaarunai asumu marirana maasa qimirana uqeereenoo. Sia maasa qeeqa kadaapiriranannai innaaruna asumu maraanaura minara sia fifau maasa qeeqa qimooqira ufa mariannoo.



Roomma 10:9,10 Maaqi qimasee qimannimidaqa, anee aneenna afaurunnai Yisufa kuqaa karaambaiga maridanoo fee qimasee, aneenna amuqusa ookiqari kuqaa Anutufa Yisuna kuqiranakinaana uqeeranau maqi qimasainanoo Anutufa narí asumu mariranaki ani mara quqaannoo. Maasa qeeqa qimuqusannai Anutuna andeeqaranaki fidaqa qeeqa qifaurunnai mina kooroo iranannai Anutuna asumu mariranaki fidaqa.

Yoothane 3:16,17 Anutufa maa maqanasaa mariasara amuqusa firaaqoo qunara narí amaaku moodaa uqanna amiqirana maqasaqaraasa nimuna mina saqarikinausa sia kuridiranaki fifaranoo Anutuna naaru mariranaki fuageera narí amaaku nimirau. Anutufa sia maa maqanasaaqaraa fasiqa anaasee narí ufa firaanaki mara aquanifeerau narí amaaku maa maqanasaa quqannisanau. Mifa faiqí anaasee nariranakinaana qumbaqeeqee naaru asumu mariranaki quqannisaanifeera Yisuna quqanau.



1 Yoohanee 5:11-13 Anutufa narí amaakuara qu ufafa  
maaqimminoo maridanoo Anutufa naaru naaru kuqaa  
marirana maasa qiminau, mi marirafa maasaindi mina  
amaakuki marifa maridanoo. Yafa yafee Anutuna amaaku  
qumarainafa doo mifa mi marirana namufaqa  
qumareenoo. Yau yausee sia Anutuna amaaku  
qumarainausa sia mi marirana faqa qumaraidaga. Innee  
Anutuna amaakuara irirana rusimariasa innee doo naaru  
marirana doo maree fee qiageera maa ufana akara  
rumannimaqaidaga.



# Oosana 6 - 10

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: M. Maillot; Tammy S.

Binumarien Bible (bjr) © 2017 Wycliffe Bible  
Translators, Inc. All rights reserved.

<https://live.bible.is/bible/BJRWBT/MAT/1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

